

**Vorarlberger Landearchiv, Urkunde Nr. 8132**

5. Oktober 1461

Ich Clas Hevel vergich offentlich fur mich und min erbern und thun kundt allermengklich mit dem brief,  
Das och zu kouffent gegeben  
han minem lieben bruder Hansen Hevel und sinen erbern acht schilling pfening genger und guter  
Costenzer munß landz werung stätz Järlichs  
und gewiß ewigs zins und geltz von usser und ab minem huß und hoffstatt Im oberdorff gelegen stost  
ainhalb an die lantstraß, andterhalb  
an rüdin schüler, zu der dritten sidten an Josen gärwer und zu der vierden sidten an hansen diemen  
und ab allem dem So darzu gehört nihtz  
ußgenommen nochen hindan gesetzt und och wemales ledig und los est. Und est diser koffe also recht  
und redlich beschechen umb acht pfunt  
pfening, der obgen munß und werung dero Jedes aller also bar von Im gewert und bezalt und an  
minen guten nutz komen sint, Und hierumb sollen  
Ich oder min erbern Im oder sinen erbern die obgen acht schilling pfening zins im hinfur iemer mer  
ewilich und Järclich alle Jar uff sant Gallen tag  
oder achttag vor ald nach ungeverlich ußrichten und geben und zu Iren sichner handen und gewalt  
antworten gentslich aine minderung und an allen  
Iren schaden. Deran wa das nit beschäche So ist Inen glich emnornendes daz obgenent huß und  
hofstatt mit aller zugehörung Slechtklich zinsvellig worden  
und zu latmer ewigem aigen gevallen und uvallen aine mengklichs widersprechn sumenen und Irren.  
Und süllen och hiruff Ir recht weren  
fürstand und ...sprech sin für alle mindrung und abgeng mengklichs nach dem rechten. Und wie wol  
och direr brief ainen ewigen kouff  
wist und se.....haben wir gewalt den benenten zinse wener und welhes Jars wie wollen uff sant  
Gallen tag oder achttag vor ald  
nach ungeverlich ..... zinsval und mit den vorgen acht pfunt pfeningen hoptgütz der bemelten munß  
und werung und mit dem zinse  
der sich desselben Jars ergangen hat wol wider zu unsner handen ziehen und lösen allez one  
widervid und generde. Und ob wir den wider  
koff also ainsmalz nit gar thün wölten oder möchten oder mügen wir ye ainen schilling pfening zins  
Insonder mit ainem pfunt pfening Hopt=  
gutz wol widerkouffen und ablösen In allem vorgeschribnen rechten. Und dez allez zu warem offem  
und vestem urküde  
So han Ich obgenenter Clas Hevel mit ernst vlistg erpettern Den Ersamen wysen Hansen Berkman  
der zit miner gnedigen frowen  
von Ös..... zt Amman zu Dorenburen Das er sin Sigel für mich und min erbern Im und sinen erbern  
one schaden offentlich  
gehenkt hat an den brief Der geben est an Montag nach sant Michels tag Nach Cristt gepürt  
vierzehenhundert  
und im ainen und Sechzigisten Jahre.

**Rückseite:**

Zinsbrief von Claß Höffel zu Thorenbüren umb VIII Pfund Pfennig  
1461